

然閩蟹

中

犀海

錯

志疏譜





譜

蟹

撰 肱 傅

叢書集成初編

(補印本)

蟹譜及其其他二種

一九三九年十二月初版

一九六〇年一月補印

商務印書館出版

上海市印刷六廠印刷

蟹譜

宋 恽山傳 臆子翼撰

蟹之爲物。雖非登俎之貴。然見於經。引於傳。著於子史。志於隱逸。歌詠於詩人。雜出於小說。皆有意謂焉。故因益以今之所見聞。次而譜之。自總論而列爲上下二篇。又敍其後。聊亦以補博覽者所闕也。神宋嘉祐四年冬序。

總論

蟹。水蟲也。其字從虫。反。吁鬼。亦曰魚屬。故古文從魚作蟹。以其外骨。則曰介蟲。取其橫行。目爲螃蟹焉。骨眼。蝟腹。蝟腦。蟹足。其爪類拳丁。其螯類執鉞。匡跪又皆外刺。性復多躁。或編諸繩縷。或投諸笮簞。則引聲噴沫。必死方已。類皆鱗育。生於濟鄆者。其色紺紫。出於江淞者。其色青白。此舉其所育多者附。凡有水之地。不無此味。小者謂之蜚。蛆中者謂之蟹匡。長而銳者謂之蟹。音載。甚大者謂之螯蚌。雖皆有佳味。獨蟹參於藥論耳。明越谿澗石穴中。亦出小蟹。其色赤而堅。俗呼爲石蟹。與生伊洛者無異。鱗圓多腴。而奪之螯。臍長多瘠。而與之蝦。其於盛生夏者。無遺穗。以自充。俗呼爲蘆根蟹。謂其止食。萎蘆根。瘠小而味腥。至八月則蛻形已蛻。而形浸大。秋冬之交。稻梁已足。各腹芒走。江俗呼爲樂蟹。最號肥美。由江而納其芒於海中之魁。遇冰雪則自伏淤澱。不可

得矣。今人設哨具以案酒者。此特爲之先置焉。江淮間尙推重如此。況非所育之地乎。何曾食疏。弘君食橄。不珍此味也。虞棕南史有傳。惜名存而書亡。此爲恨耳。曰螯蛆者。二月三月之盛。出於海塗。吳俗猶所嗜尙。歲或不至。則指目禁煙。謂非佳節也。今之通泰。其類寔繁。然有同彭蠡。差大而毛。好耕穴田畝中。謂之螯基。毒不可食。晉蔡道明誤食之。幾死。尤宜慎辨也。又多生於陂塘溝港。穢雜之地。往往因雨。則瀕海之家。列陣而上。填砌緣屋。雖驅掃之不去也。噫。蟹雖微類。至於輸芒以朝其魁。其得自然之禮歟。嗜慾已足。捨陂港而之江海。其得自然之智歟。雖外則躁。而內無他腸。其得自然之正歟。豈獨以其滋味飲食。適人之口腹哉。故論其略。而冠諸二篇之首。

上篇

離象	有匡	仄行	蝓蟻	走遲	蟲孽	性躁	左持
捕鼠	不啖	郭索	螯基	誅解系	蛙矜	龜長	侈味
瑣珞	介蟲之孽	無腸公子	天文	食證	異名	誠嗜	兵異
集鼠	蟹類	浦名	畫	輸芒	蛤腹	同鼠孽	爲菑
玉篇	月令	圖經	琴聲	廣韻	說文	長生	食菑
斬王摠	藥證						

離象

易之離象曰爲鼈、爲蟹、爲羸、爲蚌、爲龜。孔穎達云：取其剛在外也。

有匡

檀弓曰：成人有其兄死而不爲衰者，聞子臯將爲成宰爲衰，成人曰：蠶則績而蟹有匡，范則冠而蟬有綫，兄則死而子臯爲之衰。孔穎達云：蟹背殼似匡。

仄行

周禮梓人爲篋、篋別敝小蟲蟹屬，以爲雕琢。鄭康成注云：刻畫祭器，博庶物也。蟲白外骨至曾鳴，內有仄行者，釋云蟹屬。賈公彥疏曰：今人謂之螃蟹，以其側行者也。內卻行者，螾銜之屬，卽由延也。脰鳴者，卽蝦蟆也。紆行者，卽蛇也。案周禮祭器未有以由延、旁蟹、蝦蟆，以蛇爲飾者，不知起何法制，且經文但云以雕琢耳。康成專取爲祭器之飾，義誠未安。

蝓蟻

爾雅釋魚篇云：蝓蟻，小者蝓。蝓蟻屬，見埤蒼，或曰卽蝓也，似蟹而小。

走遲

大司樂樂六變注：蛤蟹走則遲。

蟲孽

越王勾踐召范蠡曰吾與子謀吳子曰未可也今其稻蟹不遺種其可乎注蟹食對曰天應至矣人事未盡也王姑待之

性躁

荀子勸學篇云蟹六跪而二螯非蛇蟺之穴無所寄託者用心躁也注跪足也螯蟹首上如鉞者序謂蟹皆八足此云六者謬文然今觀蟹行
後兩小足不着地以其無用所略而不言

左持

晉春秋畢吏部卓字茂世嘗謂人曰左手持蟹螯右手執酒杯拍浮酒池中足樂一生哉

捕鼠

淮南子曰使蟹捕鼠必不得

不啖

虞預會稽典錄云吞舟之魚不啖鰕蟹玉篇作鰕長隨蟲也熊虎之爪不剝狸鼠

郭索

太玄銳首一蟹之郭索後蚓黃泉范明叔云一水也所稱泉亦為水所稱蟹五為裸所稱蚓言蟹之與蚓者
用心之一雖有郭索多足之蟹不如無足之蚓者以其用心之一也

蟹基

晉書蔡謨字明道。初渡江見蟹基大喜曰蟹有八足加以二螯令烹之既食吐下委頓方知非蟹後詣謝尚而說之尚曰卿讀爾雅不熟幾爲勤學死。

誅解系

晉解系字少連與趙王倫同討叛羌時倫信用佞人孫秀與系爭軍事更相表奏朝廷知系守正不撓而召倫還系表殺秀以謝氏羌不從後倫秀以宿憾收系兄弟梁王彤救系等倫曰我於水中見蟹且惡之況此人兄弟輕我邪遂害之。

蛙矜

莊子秋水篇公子牟曰子獨不聞夫壻井之鼃乎謂東海之鼃曰吾樂與吾跳梁乎井幹之上入休乎闕磬之崖赴水則接掖持頤蹶泥則沒足滅跣還軒音寒義云井中赤蟲一名蜉蟹與科斗莫吾能若也。

龜長

大戴禮云甲蟲三百六十四神龜爲之長蟹亦蟲之一也。

侈味

南史何胤字子季出繼叔父曠所更字胤叔初胤侈於食味前必方丈後稍欲去甚者猶食白魚鮓市演反

肺糖蟹以爲非見生物擬食蚶蠣使門人議之學生鍾旣曰鮪魚就肺驟見屈伸蟹之將糖躁擾彌甚仁人用意深懷此但至於車螯蚶蠣眉目內闕慚渾沌之奇獷殼外絨非金人之慎不悴不榮曾草木之不同無馨無臭與瓦鑠其何殊故宜長充庖廚永爲口實

瑣詰

郭景純江賦云瑣詰腹蟹水母目蝦又松陵集注云瑣詰似蜚常有一小蟹在腹中爲蛞出求食蟹或不至蛞餒死所以淮海人呼爲蟹奴

介蟲之孽

月令章句曰介者甲也謂龜蟹之屬

後漢五行志

無腸公子

抱朴子云山無腸公子者蟹也

天文

釋典云十二星宮有巨蟹焉

食證

孟詵食療本草云蟹雖消食治胃氣理經絡然腹中有毒中之或致死急取大黃紫蘇冬瓜汁解之卽差

又云蟹目相向者不可食。又云以鹽漬之甚有佳味。沃以苦酒通利支節。去五臟煩悶。予謂亦不可與柿子同食。發霍瀉。

異名

中華古今注云。蠶蛆小蟹也。生海塗中。食土。一名長卿。其一螯褊大者爲擁劍。一名執火。

誠嗜

混俗頤生論曰。凡人常膳之間。猪無筋。魚無氣。雞無髓。蟹無腹。皆物之稟氣不足者。不可多食。

兵異

軍略災篇云。地忽生蟹。當急遷。柴柵不遷。將士亡。

集鼠

陶隱居云。仙方以黑犬血灌蟹。三日燒之。諸鼠畢集。

蟹類

郭景純傳。山海經云。蟹形如車文。青黑色。十二足。長五六尺。似蟹。雌常負雄而行。魚者取之。必雙得。卽吳都賦所謂乘蟹者也。呂延濟亦注云。似蟹。

浦名

南齊建武四年。崔慧景作亂。到都下。今金陵。不克。單馬至蟹浦。投漁人太叔榮之。榮之故爲慧景門人。時

爲蟹浦戍。因斬慧景頭。納鱸藍中。送都下焉。

畫

唐韓晉公混善畫。以張僧繇爲之師。善狀人物異獸。水牛等外。後妙於旁蟹。

輸芒

孟詵食療本草云。蟹至八月。卽啗芒。兩莖長寸許。東嚮至海。輸送蟹王之所。陶隱居亦云。今開蟹腹中。猶有海水。乃是其證。予謂卽陸魯望云。執穗以朝其魁者也。與夫羔羊跪乳。蜂房會衙。俱得自然之禮。

蛤腹

唐顧況字逋翁。混胎丈人。攝魔還精符曰。螟蛉之子。蝦目蟹腹。卽卽周周。兩不相掩。此之謂體異而氣同。同鼠孽。

唐陸龜蒙字魯望。作稻鼠記。引國語曰。今吾稻蟹不遺種。豈吳人之土。鼠與蟹更伺其便。而効其力。殲其民歟。

爲菑

晉隱逸傳。夏統字仲御。會稽永興人也。幼孤貧。養親以孝。睦聞。初兄弟每採柘求食。星行夜歸。或至海邊。拘蠨蟧以自資養。

六足。許慎說文云。蟹。九毀切。唐韻云。獸。相居切。蟹。醜也。唐六足。二螯者也。蛭。似龜。白身赤首。音。韻從虫。鹽。齋蟹。

長生

陶隱居云。仙方投蟹於漆中。化爲水。飲之長生。

食葦

陶隱居云。蟹未被霜者。甚有毒。以其食水葦也。音人或中之。不卽療。則多死。至八月。腹內有稻芒。食之無

毒。食證云。大黃紫蘇冬瓜汁等。是其所療方。見食忌。

斬王攄

晉書劉聰字玄明。卽僞位。左都水使者襄陵王攄。坐魚蟹不供。斬于東市。

藥證

本草云。蟹。蝟味鹹。性寒有毒。主胃中邪氣。熱結。痛。喎。僻。面腫。解結散血。愈漆瘡。養筋益氣。取黃以塗。久疽瘡。無不差者。又殺莨菪毒。其爪大。主破胞墮胎。陳藏器本草云。人或斷絕筋骨者。取脛中髓及腦。與黃微熬。納瘡中。卽自然連續。海藥本草云。石蟹。案廣州記云。出南海。祇是尋常蟹。年深歲久。日被水沫相把。因茲化成石蟹。每遇海潮。卽飄出。又有一般者。入洞穴年深。亦成石蟹。味鹹寒有毒。主消青盲。眼浮翳。又主眼澁。皆細研水飛。入藥相佐。用以點耳。

孝報

殊類

貪化

採捕

泉比

兵證

貢評

風蟲

鬱洲

食品

侘狀

斷弊

蟹杯

令旨

蟹戶

兵權

蟹征

螺化

食珍

蟹浪

酒蟹

白蟹

盪浦搖江

紀賦詠

孝報

初杭俗嗜蟹羹而鄙食蟹時有農夫田彥升者家於半道幼性至孝其母嗜蟹彥升慮其鄰比鬪笑常遠市於蘇湖間熟之以布囊負歸俄而楊行密將田頵於倫切兵暴至鄉人皆竄避於山谷糧道不接或多餓死獨彥升挈囊負母竟以解免時人以爲純孝之報焉

殊類

震澤魚者陸氏子舉網得蟹其大如斗以齶剪其網皆斷陸氏子怒欲烹之其侶老於魚者遽進曰不可吾嘗聞龜蟹之殊類甚者必江湖之使也烹之不祥乃從而釋之蟹至水面橫行里許方沒

貪化

神宗朝有大臣趙氏者名某雖於國功高然其性貪墨私門子弟苞苴上特優容之一日因錫宴上召伶官使諭己意伶者乃變易爲十五郎姓旁因命釣者俄一人持竿而至遂於盤中引一蟹十五郎見而驚

曰好手脚長我欲烹汝又念汝是同姓且釋汝翌日趙果出鎮近輔

採捕

今之採捕者於大江浦間承峻流環緯簾而障之其名曰斷音餒於陂塘小溝港處則皆穴沮洳而居居人盤黑金作鈎狀置之竿首自探之夜則燃火以照咸附明而至焉若魚以餌而釣之

泉比

煎茶之法視其泉若蟹目然魚鱗然第一法

兵證

吳俗有蝦荒蟹亂之語蓋取其被堅執銳歲或暴至則鄉人用以爲兵證也

貢評

國家貢口實於遠方者蛤蜊亦貢焉獨蟹不貢議者以爲貢不貢固有差品予謂非也蛤蜊止生於海塗邇京州郡無有也故須上供旁蟹盛育於濟鄆商人輦負軌跡相繼所聚之多不減於江淮奚煩遠貢哉予嘗見監御廚王染院云御食經中亦有煮蟹法但不常御錫命則進耳非謂無錄而不在貢品

風蟲

蟹之腹有風蟲狀如木鼈子而小色白大發風毒食者宜去之

鬱洲

江潮諸郡皆出蟹而蘇尤多蘇之五邑婁縣為美也。即崑山婁縣之中生鬱洲吳塘者又特肥大。鬱洲即孫恩所保之地。

食品

北人以蟹生析之。酤以鹽梅。芼以椒橙。盥手畢。即可食。目為洗手蟹。

性狀

吳沈氏子食蟹得背殼若鬼狀者。眉目口鼻。分布明白。常寶翫之。

斷弊

蟹至秋冬之交。即自江順流而歸諸海。蘇之人。擇其江浦峻流處。編簾以障之。若犬牙焉。致水不疾歸。而歲常苦其患者。有由然也。雖州符遣卒。俾令弃毀。而吏民万端。終不可禁。羅江東云。蛟蜃之為害也。則絕流不顧。漁人之鈎網。噫。水之病吳久矣。又非蛟蜃之比。絕流顧網。其才識固自有小大哉。長民者。能推而不疑。亦豐歲一助也。

蟹杯

其斗之大者。匡一名漁人或用以酌酒。謂之蟹杯。亦阿陵雲螺之流也。阿陵酒樽。用蟹魚殼謂之。嵇鋒蟹角。內玄外黃。松陵集。海南人目螺之。

有文者。曰雲螺。亦用以酌酒。

令旨

藝祖時嘗遣使至江表。宋齊丘送於郊次。酒行語熟。使者啓令曰。須啗二物。各取南北所尚。復以二物。仍互用南北俚語。使者曰。先喫鱸魚。又喫螃蟹。一似拈蚶弄蝸。齊丘繼聲曰。先喫乳酪。後喫喬團。一似噴膿。灌血時。朝廷方草創。用度不給。倚江表爲外府。故齊丘及之。左右以令逼使之太甚。相顧失色。使者雅歎焉。故歸朝而間行。

蟹戶

錢氏間置魚戶蟹戶。專掌捕魚蟹。若今台之藥戶。哇戶。陸之漆戶。比也。

兵權

出師下砦之際。忽見蟹。則當呼爲橫行介士。權以安衆。

蟹征

按周禮。鼈人職。掌漁征。入于玉府者。貴其鬚骨之用。以飾器物也。今魚雖鯤鮪。以至蝦蟹。悉立征税之日。非若古人取鬚骨之意也。二浙運使沈公立。以歲征權奏罷之。議者謂其識體。

螺化

海中有小螺。以其味辛。謂之辣螺。可食。至二三月間。多化爲蜚蝻。今人有得蜚跪半成。而尙留殼中者。此

其證也。近青龍鎮居民。於江塗中得蟹。螯腕俱脫其自者。初彼爲恠。及熟烹去殼。則將化爲蟬矣。噫物之變化萬狀。固不可究詰。今觀蟬之首腹。頗與蟹相類。誠亦有是。但慮驚俗。又非予之所親見。故附錄之。

食珍

凡糟蟹用茱萸一粒置罈中。經歲不沙。

蟹浪

濟運居人。夜則執火於水濱。紛然而集。謂之蟹浪。

酒蟹

酒蟹須十二月間。作於酒甕間。撤清酒。不得近糟。和鹽浸蟹。一宿卻取出。於罈中去其糞穢。重實椒鹽。訖。疊淨器中。取前所浸酒。更入少新撤者。同煎一沸。以別器盛之。隔宿候冷。傾蟹中。須令滿。蜚蛆亦可依此法。二三月間。止用生乾煮酒。

白蟹

秀州華亭縣。出於三泖者最佳。生於通陂塘者特大。故鄉人呼爲泖蟹。又亭林湖。近顧野王宅。鄉人亦號爲顧亭林。於天聖末。忽生白蟹。即海中所生蟹是也。但蟹不生於淡水。今忽有。因號白蟹。瀕江之人。以價倍常。靡有子遺。止一年而種絕。

盪浦搖江

吳人於港浦間。用篙引小舟。沉鐵脚網。以取之。謂之盪浦。於江側相對引兩舟。中間施網。搖小舟徐行。謂

之搖江。上接斷。下接於陂塘。

紀賦詠

蟹志。見陸龜蒙集。

中蹠外撓兮冠帶之徂。陸龜蒙賦。

蟹奴睛上臨湘檻。燕婢秋隨過海船。皮日休。

蟹因霜重金膏溢。橘爲風多玉腦圓。

二螯或把持。杜子美。

亥日饒蝦蟹。白樂天。

病中有人惠海蟹。轉寄魯望。皮日休。

紺甲青筐染落衣。烏夷初寄北人時。離居定有石帆覺。失伴唯應海月知。族類分明連瓊珞。瓊珞似小蚌。有一小蟹在腹

中。結出求食。故淮海之人。呼爲蟹奴。形容好箇似蜚螟。病中無用雙螯處。寄與夫君左手持。

酬襲美見寄海蟹。陸龜蒙

藥盃應阻蟹螯香。卻乞江邊採捕郎。自是揚雄知郭索。太玄經云。蟹之郭索。且非何屑敢餽餽。何屑侈於食味。稍欲去其甚者。猶有鮓膳

糟蟹骨清猶似含春靄。沫白還疑帶海霜。強作南朝風雅客。夜來偷醉早梅傍。



閩中海錯疏

屠本峻
徐燏補疏

本館叢書集成初編所選
藝海珠塵及學津討原皆
收有此書藝海本無屠本
峻自序且多訛誤故據學
津本排印

四庫全書提要

閩中海錯疏三卷。明屠本峻撰。本峻字田叔，鄞縣人。以門蔭入仕，官至福建鹽運司同知。是書詳誌閩海水族，凡鱗部二卷，共一百六十七種，介部一卷，共九十種。又附非閩產而閩所常有者海粉、燕窩二種。後有自跋稱將入閩時，太常少卿余公君房曰：「狀海錯來，吾徵閩越而通之。」因疏以復。云云。君房者，余寅之字，與本峻同里，爲前輩。書中本峻所附案語，多因四明土產以爲證。蓋卽徵閩越而通之之意。中閒又有註補疏二字者，則徐燼所續也。其書頗與黃衷海語相近，而敘述較備。文亦簡核，惟其詞過略，故徵引不能博贖，舛漏亦所未免。如鯨魚一條，海語謂鯨有二種，而此書列至十二種，固可稱賅具。然海語所謂海鯊、虎頭鯊，常以春晦陟於海山，旬日化而爲虎者，此書反遺之。又海鱸一條，海語謂其魚長百里，牡蠣聚族其背，曠歲之積，崇十許丈，鱸負以遊，肆帆水而如山，其形容最爲曲盡。而此但以移若山嶽一語槩之，殊未明晰。然其辨別名類，一覽了然，頗有益於多識。要亦考地產者所不廢也。

閩中海錯疏序

夫水族之多莫若魚。而名之異亦莫若魚。物之大莫若魚。而味之美亦莫若魚。多而不可算數窮推。大則難以尋常量度。是惟海客談之。波臣辨之。習者甘之。否則疑而駭。駭而棄矣。禹奠山川。魚鼈咸若。周登俎豆。魴鱧是珍。海鏡江珧。虎頭龜脚。憑蝦寄蟹。變蛤化鳧。奇形異質。總總林林。閩故神仙奧區。天府之國也。並海而東。與浙通波。遵海而南。與廣接壤。其間彼有此無。十而二三耳。記曰。視十而四五。不有劄記。曷狀厥形。故異物異名之志。埤雅翼雅之書。咸載不律于輜軒。逞赫蹠於房奧者也。本峻生長明州。蓋波臣之國。而海客與居。海物惟錯。類能談之。權齷餘暇。疏爲海錯三卷。猶以雜物撰德。聞見荒唐。有能搜陸海之珍藏。釋龍宮之膾炙。增損醜徒。釐政形似者。予小子憑藉寵靈。庶斯傳遠矣。

萬歷丙申春王正月明州屠本峻田未撰

閩中海錯疏卷上

明 屠本峻疏并按

徐 燊補疏

鮓大夫曰。鱗介之品。山海錯雜。先王以是任土作貢。質遷有無。乃立冬官川衡。掌巡川澤之禁令。而平其守。辨其品物。腥臊珍異。以爲祭祀燕享。奠其庶饘。載腊燔炙。以爲鼎俎餽遺。所由來遠矣。鮓丞也。何預海錯。第漢唐司農府隸于冬官。山澤之禁。亦所當領。作海錯疏。

鱗部上

鯉 黃尾 大姑金鯉 鱧

【鯉】類鯉也。當脇正中一行。自首至尾。無小大。皆三十六鱗。鱗上皆有黑點文。

按鯉能變化。飛越山海。死不反。白魚之健而神者也。龍陽也。具九九八十一鱗。鯉陰也。備六六三十六數。魚躍龍門。過而爲龍。惟鯉或然。是以仙人騎龍。亦或騎鯉。

【黃尾】似鯉而尾微黃。食之微有土氣。

【大姑】似鯉而差小。大鱗有脊骨。無細鯁。冬月子肥味美。生湖塘間。四明謂之密姑。

【金鯉】色紅黃。大姑生子。爲日所晒而成。

【鱧】文魚也。一名烏鯉。圓長而斑。首有七點。作北斗象。肉美臍甘。無鱗。夜則昂首北向。嶺南謂之元鱧。○

鱧魚。毛詩注。鯛也。細鱗有黑花紋。本草注云。螭蛇所變。然亦有相生者。諸魚中唯此魚膽甘可食。補疏。

按鱧夜仰首北向。有自然之禮。制字从禮。惟膽甘。制字以醴。惟肉美。古人所重。惟首戴斗象。道家指以爲厭。蓋天厭雁。地厭犬。水厭鱧。皆禁而不食。夫鱧胎生。還復自食其鯢。梟食父。獍食母。鱧便食子。凡鱧一尾。入人家池塘。食小魚殆盡。人每惡而逐之。

鯽金鯽

烏魚金箍

棘鬣

赤鬣

方頭

【鯽】鯽也。似鯉。體促腹大。脊隆肉厚。色白而微黑。

按酉陽雜俎云。東南海中鯽魚。長八尺。食之宜暑而避風。潯陽青林湖中大者亦二尺。食之可止寒熱。羅願云。此魚好旅行。吹沫如星。以其相卽也。謂之鯽。以其相附也。謂之鯽。

【金鯽】能變幻。可畜盆中。供玩。閩人呼爲盆魚。

【烏魚】似鯽而大。尾鬣俱黑。力能跋扈。

【金箍魚】三尾。色如朱砂。盆魚中品之佳者。補疏。

【棘鬣】似鯽而大。其鬣如棘。色紅紫。嶺表異錄名吉鬣。泉州謂之鬣鬣。又名奇鬣。

【赤鬣】似棘鬣而大。鱗鬣者皆紅色。

宋志云。棘鬣與赤鬣。味豐在首。首味豐在眼。葱酒蒸之爲珍味。十月此魚得時。正月以後。則味拗不可食。補疏。

【方頭】似棘鬣而頭方。味美。

通志云。方頭似棘鬣而頭方。或云方當作芳。言其頭爲味芳香也。
【烏頰】形與奇鬣相似。二魚俱于隆冬大寒時取之。然奇鬣之味在首。

魴 鱸

【魴】青鰮也。板身銳口。縮項穹脊。博腹細鱗。色青白而味美。不減槎頭。一名貼沙。又名鰮魚。

按魚貼沙而行。魚之弱者也。漢水中常以槎斷水。用禁人捕。謂之槎頭。

【鱸】似鰮。腦上凸起。連背而圓。身肉白而甚厚。尾如燕子。只一脊骨而無他鯁。

劍魴 虎魴 鰮魴 烏鬣 出人 時魴 胡魴 魴魴 黃魴

【虎魴】頭目凹而身有虎文。

【鋸魴】上唇長三四尺。兩傍有齒如鋸。

【狗魴】頭如狗。

【烏頭】頰尾黑。背大有百餘斤者。淺在海沙不能去。人割其肉。潮至復去。其皮用湯泡淨。沙縷作膾。鬣鬣泡去。外皮存系。亦用作膾。色晶瑩若銀絲。

【胡魴】青色。背上有沙。大者長丈餘。小者長三五尺。鼻如鋸。皮可縷爲膾。鬣以爲脩。可充物。亦名鋸魴。

【鮫魴】似蛟而鼻長。皮可飾劍靶。俗呼錦魴。

【劍魴】尾長似劍。鬣味佳。

【烏鬣】頰尾皆黑。

【出入鯊】初生隨母浮遊。遇警從母口中入腹。須臾復出。

【時魛】有肉無腹。大者刳其肉烹之。多油。可啖。亦可燃。

【帽魛】鰓兩邊有皮。如戴帽然。又名雙髻魛。頭如木枋。又名雙髻缸。

【黃魛】好食百魚。大者五六百斤。

按魛之種類不一。皮肉皆同。惟頭稍異。此外又有青魛、淡魛、夾魛。而吹魛別是一種。故列在下文。魛類魛故附。

吹魛 魛

【吹魛】大如指。狹圓而長。身有黑點。常張口吹沙。

按吹魛小魚也。味甚美。故魚麗之詩稱焉。羅願曰。非特吹沙。亦止食沙。大者不過二斤。江南小谿中。每春魛至甚多。土人珍之。夏則隨水而下。自是以後。時亦有之。然罕至矣。來春復舉。大抵正月輒至。魚之最先者。次則鯉。至次則鱖。至桃花水至而鱖肥。則三月矣。此魚生流水中。非畜於人。

【魛】背有肉二斤。乾之名金絲鯊。形俱類魛魚翅。

魛 斗底魛 黃魛 棒

【魛】板身。口小。項縮。肥腴而少鯁。

【魛】魛之小者。其形匾。

【斗底魛】魛之小者。其形圓。

【黃蠟樟】亦鯧也。鱗金點而差厚。

按魚以鯧名。以其性善姪。好與羣魚爲牝牡。故味美。有似乎娼。制字从昌。

鯪 鯪

【鯪】頭長而狹。腹薄而腴。多鯁。脊如刀刃。故謂之刀鯪。

按鯪。山海經云。食之可以已妬。與石首。

【鯪】形似鱸。口闊肉粗。腦腴骨脆。而味美。

按鯪身類鱸。口類石首。大者長丈許。重百餘斤。四明諺云。寧可棄我三畝稻。不可棄我鯪魚腦。蓋言美在腦也。

鯪 鯪 草魚 鯪紅鯪 烏鯪黃鯪

【鯪】似烏魚而短。身圓口小。目赤鱗黑。一名鯪。味與鯪相似。冬深脂膏滿腹。至春漸瘦。無味。一名鯪。

【撥尾】鯪魚之小者。○鯪魚以至子月肥極。故云。其子尤佳。莆田縣東北五十里迎仙橋下潭所產。極爲

珍味。補疏

【鯪】似鯪而目大。似鯪而鱗粗。能以鬣刺水蛇。食之。

【草魚】似鯪。身圓而長。以其畜于池塘。飼之以艸。

【鯪】口小。鱗細。色白。

【紅鯪】似鯪。而色紅。

按草鯪二魚俱來自江右。土人以仲春取子于江。曰魚苗。畜于小池。稍長。入葦塘。曰草鯪。可尺許。徙之廣池。飼以草。九月乃取。

【烏鱮】形似草魚。頭與口差小。而黑色。食螺。

【黃鱮】鱗色黃。俱出邵武。

鱮 鱮 鱮江鱮 黃炙

【鱮】板身扁首。燕尾。青脊白鱗。大者長數尺。肥腴多鯁。春未有之。又一種春漲。汜流而上。月長一寸。至十月盈尺者佳。

【魴】似鱮而多鯁。

按鱮魴其美在腴。鱮侈口圓脊多鯁。大者長三四尺。重七八斤。魴狹口劍脊多鯁。大者長三四尺。重三四斤。鱮小口圓身少鯁。大者長五六尺。重二三十斤。泉志云。鱮與魴形相似。福志云。鱮與魴味相似。俱誤。

【鰚】如鱮而小。鱗青色。俗呼青鯽。又名青鱗。

按鰚四明奉化縣有之。鱗脊俱青。故名青鯽。冬月味甘腴。春月魚首生虫。漸瘦不可食。

【江鱮】出洪塘江。三四月方有之。味美。但小而多刺。補疏

【黃炙】似魴而小。多鯁細鱗。味不甚佳。

石首黃梅 鱮

【石首】鰻也。頭大尾小。無大小。腦中俱有兩小石如玉。鰻可爲膠。鱗黃。璀璨可愛。一名金鱗。朱口厚肉。極清爽。不作腥。閩中呼爲黃瓜魚。蕘鯨不及四明。

【黃梅】石首之短小者也。頭大尾小。朱口細鱗。長五六寸。一名大頭魚。亦名小黃瓜魚。

按黃魚首有二白石如棋子。醫家取以治石淋。肉能養胃。鰻能固精。醃糟食之。已酒病。四明海上以四月小滿爲頭水。五月端午爲二水。六月初爲三水。其時生者名洋生魚。其蕘鯨也。頭水者佳。二水勝于三水。八月出者名桂花石首。臘月出者爲雪亮。其鱗魚出此時者。名亦如牛。吳地志云。石首魚。至秋化爲寇鳧。今寇鳧頭中猶有石也。

【鯿】形如石首而差大。鱗細口紅。

土龍 鯿狀鰻 鮎 鮎鯿 鮎鯿

【鱣】似蛇無鱗。黃質黑章。體有涎沫。生水岸泥窟中。能雨水中。上升。夜則昂首北向。一名泥猴。

按鱣形既似蛇。又夏月于淺水作窟。如蛇冬蟄。夏出。故亦名蛇鱣。今閩中之鱣。肉澁而味不及吳中。○漢書。鶴雀銜三鱣。鱣卽鱣字。或作鱣。陶隱居謂苻芩根所化者。又以爲人髮所化。今腹中有子。未必盡是化生。補疏。

【土龍】似鱣而小。

【地龍】似鱣而大多。鯿脊中有一線血。甚腥。

【鰻】似鱣而腹大有黃色。有青色。春生者毒。產海中者相類而大。土人名慈鰻。又名鍋狗魚。○海鰻之大。

者百餘斤。小者二三斤。鱧鰻之大者亦有八十餘斤。肥美無比。產在鹹淡水之介。補疏

按輿化志云。鰻肉滑。鱧肉澁。鰻脊骨圓。鱧脊骨方。埤雅云。鱧骨可辟蠹魚。有雌無雄。以影漫鱧而生子。趙辟公雜說曰。凡以喙抱者。鵠鵠鵠雀也。以影抱者。龜鼈鼈也。有鰻鱧者。以影漫於鱧魚。則其子皆附鱧之鬚鬚而生。故謂之鰻鱧也。鰻鱧善攻碕岸。便輒圯。

【狀鰻】生江水中。頭似鰻而身似鱧。味美多油。中惟脊骨旁無他刺。補疏

【鱧】似鰻。目中赤色一道。橫貫瞳。食螺蚌。好獨行。

按鱧好獨行。制字从尊。鱧讀如蹲。詩九罭之魚。鱧魴。以魚美而稱之。亦有二三尾同行者。

【鮎】一名鯢。鰻額兩目上。陳頭大尾小。口方背青黑。無鱗多涎。

【缺魴】似鮎而小。邊有刺能螫人。其聲缺魴。本草名黃頰。至能醒酒。缺音于方切

按缺魴四明謂之缺頰。有三刺。一生背上。二生兩腮。其刺取以發痘如神。一說鮎亦產鰻。蓋乳子三分之二為鮎魚。其一鰻也。

海鮠 鮠魚泥鮠 鮠魚 田鮠

【海鮠】最巨。能吞舟。日中閃鬚鬚若簸朱旗。

按海鮠噴沫飛洒成雨。其來也移若山岳。乍出乍沒。舟人相值。必鳴金鼓以怖之。布米以厭之。鮠攸然而逝。否則鮮不罹害。間有斃沙上者。土人梯而撻之。刳其脂為油。舩船甚佳。

【鮠】似鱧而短。首尖而銳。色黃無鱗。以涎自染難渥。

按鱸好與魚爲牝牡。制字从魚从會。麇鯨乃佳。

【泥鱸】產水田中。大如指。夏月最多。

【鯪魚】似鱸。小大錯生。吐涎最多。補疏。

【田鱸】似鯪而大。鮮食腥。麇鯨味美。補疏。

比目

鰈

【比目】狀如牛脾。鱗細。紫黑色。一眼。須兩魚相合乃行。

按比目。閩廣謂之鞋底魚。南粵謂之板魚。又謂之箬葉。

【鰈】形扁而薄。邵武名鞋底魚。又名潔沙。

按潔音撻。魚在江中。行潔潔也。左目明。右目晦。味今閩廣以此魚名比目。蓋比目只一目。必兩魚相合乃行。而此魚獨行。殊非比目也。四明謂之江箬。以形如箬。故名。又謂之箬潔。以其行潔潔。故名。

過臘

【過臘】頭類鯽。身類鱖。又類鯪魚。肉微紅。味美。尾端有肉。口中有牙如鋸。好食蚶蚌。以臘來春去。故名過臘。

按過臘。四明謂之銅盆。又名郭磚。四時有之。好入人家田中食蚶蚌。入口殼輒碎。亦猶鳧食螺。鷄食蜈蚣。氣之制也。

閩中海錯疏卷中

鱗部下

烏鯛

柔魚墨斗

猴染

【烏鯛】一名墨魚。大者名花枝。形如鞋。囊肉白皮斑。無鱗。八足。前有二鬚極長。集足在口。緣喙在腹。腹中血及膽正黑。背上有骨潔白。厚三四分。形如布梭。輕虛如通草。可刻鏤。以指剔之如粉。名海鱧。醫家取以入藥。古稱是海若白事小吏。一名河伯從事。

按烏鯛遇風波。捉石浮身上。見人及大魚。輒吐墨。方數尺。以混其身。人反以是得之。其墨能已心痛。小魚蝦過其前。輒吐墨。涎致之。性嗜烏。每暴水上。烏見以爲死。便往啄之。乃卷而食之。月令九月。寒。烏入水化爲烏鯛。唐韻所載羅願云。此魚乃鸚鳥所化。蓋水鳥之似鶡者。今其口足并目尙存形似。且以背中之骨驗之。晒乾者。閩浙謂之明府。

【柔魚】似烏鯛而長。色紫。一名鎖管。

按柔有骨如三層紙。厚白而差紉。云無骨非也。但鯛作腥。柔不作腥而味佳。

【墨斗】似鎖管而小。亦能吐墨。補疏

【猴染】比墨斗稍大。比鎖管稍小。補疏

馬鮫嘉酥魚

鱸

【馬鮫】青斑色。無鱗有齒。又名章鮫。連江志謂之章明。

按閩志稱鯧魚肉理細嫩而甘。馬鮫肉稍澀。氣腥而不及鯧。此說非也。蓋鯧細口扁身而圓。無鱗無腸。馬鮫銳口圓身而長。無鱗有腸。

【嘉酥魚】海中魚之極大者。重千斤。琉球人以其脊爲酥。販鬻閩中。補疏

【鱣】似馬鮫而小。有鱗。大者僅三四寸。

【鰮】黃雀 青鮫

【鰮】板身多鯁而肥。爾雅謂之當飯。

【黃雀】似鰮而小。冬月最盛。

【青鮫】類黃雀而不甚大。

帶魚 帶柳

【帶】身薄而長。其形如帶。銳口尖尾。只一脊骨。而無鯁。無鱗。入夜爛然有光。大者長五六尺。

【帶柳】帶之小者也。味差不及帶。

按帶。冬月最盛。一釣則羣帶銜尾而升。故市者獨多。或言帶無尾者非也。蓋爲羣帶相銜而尾脫也。

鱧魚 石拒 章舉塗婆

【鱧】腹圓。口在腹下。多足。足長。環聚口旁。紫色。足上皆有圓文凸起。腹內有黃褐色質。有卵黃。有黑如烏。鱧墨。有白粒如大麥。味皆美。明州謂之望潮。

按鱧有腹無頭而俗以腹爲頭非也。有名同而質異者。廣南有蟹亦名望潮。他日廣浙相傳。慎勿以此物卽彼物也。

【石拒】似鱧而極大。居石穴中。人或取之。能以足粘石拒人。

【章舉】紅舉也。似石拒而大。

【塗婆】章舉也。似石拒而足短。

按明州所產章舉大有至五六斤者。與鱧魚性俱寒。不可多食。能發宿疾。

鰓

【鰓】鮭也。一名胡兒。一名鯢鮐。一名河豚。狀如科斗。腹下白。背上青。有黃文。眼能開閉。頭無腮。腹無膽。觸物輒噴。腹張如鞠。浮于水上。味至美。然有毒。能殺人。

按鰓無腮無膽。故肝最毒。肝血及子入口皆爛舌。入腹爛腸。以其味美。吳浙喜食之。今烹者必覆蓋。蒙密忌。食灼落其中。雜以荻芽或橄欖。煮之。方可食。子在兩淮。食河豚而隸。卒取其子去。製以市人。皮肚潔白。俗呼西施乳。

水母

【水母】一名鮀。一名鮐。海中浮漚所結也。色正白。濛濛如沫。又如凝血。縱廣數尺。有知識。無腹臟。無頭目。處所不知。避人。隨其東西。以蝦爲目。無蝦則浮沈不常。蝦憑之。其汎水如飛。蝦見人驚去。鮐亦隨之而沒。潮退蝦棄之于陸。故爲人所獲。○本草謂水母爲樽蒲魚。北戶錄謂水母爲鮐。一名石鏡。南人治而食之。

性熱。偏療河魚疾也。補疏

按物類相感志云。水母大者如床。小者如斗。明州謂之鰕鮓。其紅者名海蜇。其白者名白皮。子皮切作縷。名水母線。嶺表異錄云。淡紫色。大者如覆帽。小者如碗。腹下有物如懸絮。

魷魚鱗紅 水蓋 斑車 黃貂

【黑魷】形如團扇。口在腹下。無鱗。軟骨。紫黑色。尾長于身。能螫人。○此魚頭圓。禿如燕。身圓。扁如篋。尾圓。長如牛尾。其尾極毒。能螫人。有中之者。日夜號呼不止。以其首似燕。名燕魷魚。以其尾似牛尾。故又名牛尾魚。其味美。在肝。俗呼鯀魚。補疏

【鱗魷】背厚尾長。有蜃。大者重二三百斤。

【水蓋】背差薄于鱗。列之多水。

【斑車】背上有斑。肉粗而味腴。大者三四百斤。其腹中有肚。味更佳。

【黃貂】似燕而嘴尖。土人薹以爲鯨。僞作燕。

按魷其種不一。而骨肉同。諸魷以黃貂爲第一。

彈塗 白頰 塗虱

【彈塗】大如拇指。鬚鬣青斑色。生泥穴中。夜則駢首朝北。一名跳魚。海物異名記云。登物捷若猴然。故名猴泥。

【白頰】似跳魚而頰白。

【塗虱】生于泥中如虱故名。一呼塗虱。有刺。彈人。一名彈虱。田塍潭底。往往有之。一名田瑟。

鱖魚 白鱖

【鱖】長七八寸。骨柔無鱗。類鱖之半。有五色文。

【白鱖】形圓薄。類鱖。一名金錢鱖。

丁斑 魴魴 溪斑 重唇 疊甲

【丁斑】大如指。長二三寸。身有花文。紅綠相間。尾鮮紅。有黃點。善鬪。人家盆中畜之。一名鬪魚。養成半載。尾上起鬣。長寸許。

【魴魴】大如拇指。有五色。

【溪斑】黃質黑斑。身圓鱗細。大者長五六寸。

【重唇】頭大尾小。無鱗。長三寸許。生石穴中。

【疊甲】身圓。長四五寸。鱗有兩重。無味。

銀魚 麵條漿魚 白沫

【銀魚】口尖身銳。瑩白如銀條。

【麵條】似銀魚而極大。一名白飯魚。

【漿】似麵條而嘴小。

【白沫】梅雨時。海水凝沫而成形。雪色無骨。其大如筋。薏之味厚。名丁香魴。

鹹魚 錢串

【鹹】狀如條。其喙如針。

【錢串】身長而小。嘴長五六寸。青色。亦名青針。

海燕 飛魚

【海燕】形如飛燕。有肉翅。能奮飛海上。

【飛魚】頭大尾小。有肉翅。一躍十餘丈。

白魚 黃魚 魷 竹魚 大面

【白魚】板身。色白。頭昂。多細鯁。大者六七尺。生江中。

【黃魚】身扁薄。而多鯁。色黃。

【魷】頭微而小扁。

【竹魚】身甚薄。

【大面】板身。闊二三寸。尾無鱗。

鏡魚 圓眼

【鏡魚】眼圓如鏡。水上翻轉如車。亦名翻車魚。

【圓眼】口尖。眼圓而赤。

黃三 黃鱸 耍魚 金鮐 寸金

【黃三】鱗細黃赤色。

【黃鱮】鬚黃色。

【耍魚】厥狀纖細名黃絲耍。

【金鮎】尾脊有細鱗金色。

【寸金】長寸許黃色出寧德縣七都。

火魚 緋魚

【火魚】隨潮蔽江結陣而來故名。

按輿化志不載魚形色但云結陣而來則火字當作夥。

【緋】黃色如緋○宋志云緋魚色如緋今海上有一種紅桃魚全緋又一種新婦魚近緋二者不知何指。
補疏

白刀 鱣 鱠 白澤

【白刀】白鱗形似刀生江河間。

【鱣】身長鱗白。

【鱣】大者長五六寸白質黑章味美少鯁。

【白澤】海物異名記云羣生隨波潮縮在澤。

鯖 鯉 鱣 鱠

【鯖鯢】背青身長一名青魚。

【鱒】雌生卵雄吞之成魚青色無鱗一名松魚。

【鰱】色微黑一名鯢。

楓葉 琵琶 鹿角

【楓葉】海物異名記云海樹霜葉風飄浪翻腐若蜃化質爲魚。

【琵琶】身扁似琵琶無鱗生南越者長二丈述異記云海魚千歲爲劍魚。

【鹿角】海物異名記曰芒角持戴在鼻小者醃爲鮓味佳大者長五六寸其皮可以角錯。

抱石 石伏

【抱石】出于山溪背偃而腹平大如指常貼于石上土人取以爲腊。

【石伏】伏于溪下。

鮫魚 土蚌

【鮫】無皮鱗嶺南呼爲綿魚。

【土蚌】形如蚯蚓。

蠶鮓 鯛 段魚

【蠶鮓】尾有腥多穴于田塍或泥岸中。

【鯛】一名蚶魚味不佳。

【段魚】細如米粒。可鮓。長樂所產。春月最多。即魚苗之大者。土人名舜魚。

缺魚 關潮

【缺魚】海產。其類甚衆。皆可食。

【關潮】乘波霧集。

蝦 蝦姑 白蝦 草蝦 梅蝦 金鈎子
蘆蝦 稻蝦 對蝦 赤尾 塗苗 海蟻

【蝦魁】嶺表異錄云。前兩脚大如人指。長尺餘。上有芒刺。鈺硬。手不可觸。腦殼微有錯。身灣環亦長尺餘。熟之鮮紅色。一名蝦盆。俗呼龍蝦。

按閩部疏云。海味重于天下者。稱西施舌、江珧柱。泉漳間皆有之。而苦不稱美。其它鱗介。殊狀異態。多不可名。而最奇者。龍蝦。置盤中。猶蠕動。長可一尺許。其鬚四繚。長半其身。目睛凸出。上陟起二角。負介昂藏。體似小龍。尾後吐紅子。色奪榴花。真奇種也。

【蝦姑】形如蜈蚣。能食諸蝦。

【白蝦】生江浦中。郡城南有白蝦浦。

【草蝦】頭大身促。前兩足大而長。生池澤中。

【梅蝦】梅雨時出洲渚中。

【蘆蝦】是蘆葦所變。味甘美。鮓之尤妙。國初曾進貢。

【稻蝦】是稻花所變。

【對蝦】土人腊之兩兩對插以寄遠。

【赤蝦】蝦之小者。卽天津之滷蝦。

【塗苗】海物異名。記云。謂之醬蝦。細如針芒。海濱人鹹以爲醬。不及南通州出長樂港尾者佳。梅花所者不及。

【金鉤子】小于赤尾。晒乾。淡者佳。

【海蜈蚣】狀類蝦姑。產興化海中。土人取之。切以爲膾食。補疏

按蝦其種不一。而肉味同。諸蝦以蝦魁爲第一。此外又有涼蝦等。不能盡錄。

鮫鯉

【鮫鯉】一名穿山甲。似鯉而有四足。鱗甲堅厚。常吐舌出涎。須螻蟻滿其上。乃卷而食之。

蝦蟆 蟾蜍 大約 雨蛤 石鱗

【蝦蟆】大如拇指。微黃腹白。

【蟾蜍】皮皴色黑。頭腹大而腳細。好伏牆下。

【大約】青背黃脊。一路微黑。腹平而色黃褐。嘴尖。當項兩傍有白圈。

【雨蛤】一名雨鬼。形如蝦蟆。大如小拇指。天將雨則鳴。

按自蝦蟆至石鱗。凡五種。皆陸產。而蟾蜍絕壽。有至千歲者。五月五日得之。謂之辟兵。古稱月中有蟾蜍也。石鱗。神物。閩人珍以爲上品。故別論。

【石鱗】生高山深澗中。皮斑肉白味美。晝伏竇中。夜居山頭石頂最高處。捕者不可預相告語。密以黃歷首一葉納諸竈中。卽抱松明措火而去。緣崖拔石以火照之。見火輒醉不動。十不脫一。閩人飲饌以此爲佳品。俗名石鱗魚。又曰咨凍。

按石鱗似水雞而巨。肉嫩骨粗而脆。水雞似石鱗而小。肉粗骨細而軟。望火投明。此類性之常也。而云見火輒醉不動。非也。往予聞閩人言石鱗靈物。人往捕。執炬出門。禁毋相告。至彼可獲。否則俱匿矣。炬至石鱗羣坐石上。觀火不動。以是盡得之。何獨靈于聞聲而昧于觀火耶。

水雞

尖嘴蛤

青約

青鯉

黃鯉

【水雞】似石鱗而小。色黃皮皺。頭大嘴短。其鳴甚壯。如在甕中。

【尖嘴蛤】背黃脊一路微黑。腹大聲微。白色似水雞而小。

【青約】身青嘴尖。一路微黑。腹細而白。

【青鯉】一名蛙。

【黃鯉】類水雞。

按自水雞至黃鯉。凡五種。皆水產。而水雞可食。味不及石鱗。黃鯉可食。味不及水雞。閩人惟食石鱗水雞。而黃鯉等種則皆不食之也。

閩中海錯疏卷下

介部

龜

【龜】外骨內肉。腸屬于首。廣肩背。微坼如皺。其文應八卦。脇肋有文。應二十四氣。無雄。與蛇爲牝牡。卵生。不咽粟。善藏。又能行氣。水陸皆有之。

按龜與蛇合。故曰元武。羅願云。靈龜文五色。似玉似金。背陰向陽。上隆象天。下平象地。槃衍象山。四趾轉運。應四時。文著象二十八宿。蛇頭龍翅。左精象日。右精象月。千歲之化。下氣上通。能知存亡。吉凶之變。千年之龜。遊于芩葉之上。芩今甘草也。葉圓小而刺。言龜久而神靈。能變形大小也。今人見小龜以爲千歲。非也。逸禮云。龜三千歲。游于卷耳之上。化書曰。牝牡之道。龜龜相顧。神交也。鶴鶴相唳。氣交也。言龜雖與蛇合。亦與神交。崔豹古今注云。龜一名黑衣督郵。

鼈

【鼈】一名闐魚。一名脚魚。卵生。形圓。穹脊連脇。四周有幫。外肉內骨。而以眼聽。行蹒跚。以蛇爲雄。頸中有軟骨。與鼈相似。名曰醜。食時嘗剔去之。不可與芻同食。

按鼈隨日光所轉。朝首東向。夕首西向。鼈之所在。上有浮沫。謂之鼈津。捕者以是得之。與龜皆隔津望卵而生。故曰龜思鼈望。養魚經曰。魚滿三百六十。則蛟龍將魚飛去。納鼈則不復去。故曰神守。

蟹毛蟹

金錢蟹

石鹽

螳螂

海螵金螵

虎螵

螻

千人壁

【蟹】八跪二螯。堅殼。其行郭索。八足而容俯。故謂之跪。兩螯倨而容仰。故謂之螯。制字从解。以隨潮解甲也。殼上多作十二點。深胭脂色。亦猶鯉之三十六鱗。月盛腹中肉虛。月衰肉滿。臍尖者牡。圍者牝。

【毛蟹】青黑色。螯足皆有毛。

【金錢蟹】形如大錢。中最飽。酒之味佳。補疏。

【石鹽】狀如螳螂。而長不及寸。廣僅半之。土人治以薦酒。殼堅。味鹹寒。醫家取以治目眚。

【螳螂】似石蟹而小。微黃色。左螯大而無毛。其行斜傍。

【螳螂】似螳螂而大。右螯小而赤。生溝渠中。

【虎獅】形似虎頭。有紅赤斑點。螯扁。與爪皆有毛。

【架步】一名擁劍。橫行。螯大小不一。以大者鬪。小者食。一名執火。以其螯赤也。一名揭哺子。

【海螵】螳螂也。長尺餘。殼黃色。青兩螯至強。能與虎鬪。

【金螵】色黃。

【虎螵】文有虎斑。

【蘆禽】形似螳螂。生海畔。補疏。

【塗蜥】俗呼塗蜥。產長樂。補疏。

按閩部疏云。蟹之別種曰螳螂。吾地名黃甲。此名海螵。特多此種。而蟹乃爲異狀。不中食。此又一種。

非真蟹也。獨興化數里河中有蟹，形味似吳中，而土人不之重，豈日厭海錯不能別味耶。

【蟻】似蟹而大，殼兩傍尖出而多黃，螯有稜鋸，利截物如剪，故曰蟻。折其螯隨復更生，故曰龍易骨。蛇易皮，麋鹿易角，蟹易螯。二三月應候而至，膏滿殼子滿臍，過是則味不及矣。

【千人擘】狀如蝦姑，殼堅硬，人盡力擘之不開，海物異名記云：千人擘聚刺，積殼擘不能開。酉陽雜俎謂之千人担。

蚌
球蚌
絲蚌

【蚌】殼厚有稜，狀如屋上瓦，攏肉紫色，大或專車，殼可爲器。

【珠蚌】蚌之極細者，形如蓮子而扁。

按四明蚌有二種，一種人家水田中種而生者，一種海塗中不種而生者，曰野蚌，殼緋色而大，肉紉。醫書取殼入藥，名瓦壠子。

【絲蚌】殼上有文如絲，色微黑，比珠蚌稍大，產長樂縣。

蛤
赤蛤
海蛤
沙虱
紅綠
土銚
白蛤
車螯
文蛤

【蛤】殼白厚而圓，肉如車螯。○蛤蚧止消渴，開胃氣，解酒毒，以蘿蔔煮之，其柱易脫，補疏。

【赤蛤】殼上有花文赤色。

【海紅】形類赤蛤而大。

【蠟蚌】形似蛤蚧而白，合口處色黑，俗呼爲懶績麻。

【螟螋】似蛤蜊。

【沙蛤】土匙也。產吳杭。似蛤蜊而長。大有舌白色。名西施舌。味佳。

按閩部疏云。海錯出東四郡者。以西施舌爲第一。蠣房次之。西施舌本名車蛤。以美見證。出長樂澳中。

【紅栗】似蛤而小。色白而微紅。

【文蛤】殼有文理。唐時嘗充土貢。亦名補疏。

【海蛤】其殼久爲風濤所洗。自然圓淨。補疏

【沙虱】似蠅虻而殼差薄。

【紅綠】似蛤而小。味美。

【土銚】一名沙屑。殼薄而綠色。有尾而白色。味佳。

【白蛤】一名空豸。泉人呼爲江大。似蛤而小。殼薄色白。又名泥星。

按蛤其種不一。而味皆同。南海志云。蛤一月生一暈。南越志云。凡蛤之屬。開口聞雷鳴則不復閉。

【車螯】陳藏器云。大蛤也。殼有花文。肉白色。大者如碟。小者如拳。

【螯白】車螯之最小者也。

按閩部疏云。陶方伯嘗言閩中海錯。蚶不四明。蛤不揚州。蟹不三吳。余大以爲然。蚶大而種不。佳。蛤乃車螯。非蛤蜊也。

蠣房 草鞋蠣黃蠣

【蠣房】一名牡蠣。出海島。麗石而生。其殼礪硯相粘。如房。嶺表異錄謂之蠔山。地無石灰者。燒蠣殼爲之。

【草鞋蠣】生海中。大如盆。漁者以繩繫腰。入水取之。

【黃蠣】五六月有之。大于蠣房數倍。味雖不如蠣房。而汁亦適口。但牡蠣可爲醬。此不堪醃耳。補疏

殼菜沙箭 烏投 江珧柱

【殼菜】一名淡菜。一名海夫人。生海石上。以苔爲根。殼長而堅硬。紫色。味最珍。生四明者。肉大而肥。閩中者肉瘦。其乾者。閩人呼曰幹。四明呼爲乾肉。○殼菜形似珠母。一頭尖。中銜少毛。號東海夫人。本草云。形雖不典。而甚益人。補疏

【沙箭】淡菜之小者。

【烏蜃】似淡菜而極小。中無毛。

【烏投】味甘似烏蜃。而殼堅。中有毛。

按殼菜生四明者。殼黑而厚。形如斧頭。形醜而味美。本草云。海中有物。其形如牝。紅者補血。白者補腎。今閩中取以煮湯治痢病。

【江珧柱】一名馬甲柱。海物異名記云。厥甲美如瑤玉。肉柱膚寸。名江珧柱。

按江珧殼色如淡菜。上銳下平。大者長尺許。肉白而緝。柱圓而脆。沙蛤之美在舌。江珧之美在柱。四明奉化縣者佳。

蚌 蛤青 蜆翠

【蚌】蚌也。肉如蛤蜊。殼厚而長。腹中有蟹子。如榆莢合體共生。時出取食。復入殼中。一名瓊蚌。生于曲岸。中故名蚌。

【蛤青】似蚌而殼薄。青色。

【蜆】似蚌而小。色黃。殼薄。俗謂之蜆。有黃蜆。土蜆之別。大江者可食。他小浦中有之。有土氣不堪用。補疏
【翠翠】似蚌而殼翠。

海月 石華 石帆 沙筍

【海月】形圓如月。亦謂之蠣鏡。土人多磨礪其殼。使之通明。鱗次以蓋天窗。本草云。水沫所化。煮時猶化為水。嶺南謂之海鏡。又曰明瓦。

按海月。嶺表錄異云。廣人呼為膏葉。兩片合以成形。殼圓中甚瑩滑。白照如雲母光。內有小肉如蚌。蛤腹中有蟹子甚小。頭黃而螯足俱備。海鏡飢則蟹出拾食。蟹飽腹滿。海鏡亦滿。或近之以火。則蟹子走出。離腸腹立斃。或生劑之。有蟹子活在腹中。逡巡亦斃。

【石華】附石而生。方言謂之石霞。肉如蠣房。殼如牡蠣而大。可飾戶牖天窗。

按謝靈運詩云。挂席拾海月。揚帆採石華。其味與海月俱同。蠣房。

【石帆】紫黑色。枝柯相動。連帶不絕。生海上石穴中。

【沙筍】長尺餘。其狀如簪。故又名塗釵。嶺表錄異云。生海岸沙中。春時吐苗。其心苦。骨白而勁。可為酒齏。

泥笋沙蠶 土鑽

【泥笋】其形如笋而小。生江中。形醜味甘。一名土笋。

【沙蠶】似土笋而長。

【土鑽】似沙蠶而長。

龜脚

蠅

老蟀牙

石磷

【龜脚】一名蚰。生石上。如人指甲。連枝帶肉。一名仙人掌。一名佛手蚰。春夏生苗如海藻。亦有花生。四明者肥美。

按石蚰生海中石上。如蠣房之附石也。形如龜脚。故名。近甲處有軟爪。黑色。肉白。味佳。秋生冬盛。來年正月得春雨。軟爪開花如絲。散在甲外。郭璞江賦所稱石蚰。應節而揚葩是也。

【蠅】生海中。附石殼如麈蹄。殼在上。肉在下。大者如雀卵。

【老蟀牙】似蠅而味厚。一名牛蹄。以形似之。

【石磷】形如箸笠。殼在上。肉在下。

石決明

海膽

石榼

寄生

【石決明】附石而生。惟一殼無對。大者如手。小者如兩三指。旁有十數孔。一說鰻魚。本草圖經云。鰻魚別是一種。與決明相近。○石決明。俗名將軍帽。温州與登州海中俱有之。即名鰻魚。溫人醃用。登人淡晒乾。串入京餽遺。補疏

按閩部疏云。蠨房雖介屬。附石乃生。得潮而活。凡海濱無石。山溪無潮處。皆不生。余過莆。迎仙寨橋。時潮方落。兒童羣下。皆就石間剔取肉去。殼連石不可動。或留之。仍能生。其生半與石俱。情在有無之間。殆非蛤蜊比也。後漢書。鮞無鱗。有殼一面附石。細孔雜雜。或七或九。卽以狀蠨房。何所不可。南

蠨北鮞。是故造化介生別構。

【海膽】殼圓如盂。外結密刺。內有膏黃色。土人以爲醬。按海膽。四明謂之海績。筐海濱人取殼磨粉。合米醬中。其膏入鹽按酒。亦名曰醬。

【石楯】形圓色黃。肉紫有刺。人觸之。則刺動搖。

【寄生】海上枯羸殼存者。寄生其中。負殼而走。形如蟹。四足兩螯。大如榆莢。其味若蝦。得之者不煩剔取。曳之卽出。以肉不附也。炒食味亦脆美。

蠨竹蠨 玉筋蠨

【蠨】生海泥中。大如指。長三寸許。肉白殼薄。兩頭稍闊。

【竹蠨】似蠨而長大。殼厚。

【玉筋蠨】似蠨而小。三月麥熟時最盛。以其形如麥稿。又名麥稿蠨。

蟹

【蟹】形如熨斗。如便面。如惠文冠。廣尺許。有刺。頭如蜚蠊。而骨眼。眼在背上。背青黑色。而穹。其血蔚藍。熟之純白。而肉甚甘美。當脊一行。兩旁有刺。殼覆身上。腹下十二足。長五六寸。環口而生。尾銳而長。觸之能

刺斷而置地行。其行郭索。雌嘗負雄。捕得其雄。雌亦就斃。雄少肉。雌多子。子如綠豆大而黃色。布滿骨節。中東浙閩廣人重之。以爲鮓。謂之蠶子醬。殼可屈爲杓。轆釜輒盡。尾可爲如意。○蠶口足皆在覆斗之下。海中每雌負雄。漁者必雙得之。以竹編爲一甲。鬻焉。本草云。牝牡相隨。牝者背上有目。牡者無目。牡得牝始行。牝去牡死。其尾燒烟。可辟蚊蚋。韓退之云。蠶實如惠文。骨眼相附行。補疏。

按便面。古扇。婦人取以障面者。惠文。秦漢以來武冠。侍中中常侍則加金璫貂蟬飾之。謂之趙惠文冠。蓋狀蠶形也。蠶產子時。先往石邊。周身擦之。罅裂而生。雌嘗負雄。故獲必得雙。其相負乘也。雖風濤中不解。謂之蠶媚。過海輒相負于背。高尺餘。乘風游行如帆。謂之蠶帆。其衆如渾棧。謂之蠶渾。其善候風。故音如候也。埤雅云。蠶性畏蚊。蚊小螫之。輒斃。未知其故。又暴之日。往往無恙。隙光射之。卽死。嶺表異錄云。雄小雌大。置之水中。雄者浮。雌者沈。

螺香螺 螺鈿螺 螺紫背
螺鸚鵡 螺泥螺 螺米螺

【香螺】大如甌。長數寸。其揜雜衆香。燒之。使益芳。獨燒則臭。諸螺之中。此螺味最厚。本草謂之甲香。

【鈿螺】光彩如鈿。可飾鏡背。

【紫背】紫色有斑點。俗謂之研螺。

【鸚鵡螺】狀如鸚鵡。堪作酒盃。

【泥螺】一名土鐵。一名麥螺。一名梅螺。殼似螺而薄。肉如蝸牛而短。多涎有膏。

按泥螺產四明鄞縣南田者爲第一。春三月初生。極細如米。殼軟味美。至四月初旬稍大。至五月內

大脂膏滿腹。以梅雨中取者爲梅螺。可久藏。酒浸一兩宿。膏溢殼外。瑩若水晶。秋月取者肉硬膏少。味不及春。閩中者肉礪磈。無脂膏。不中食。

【米螺】小粒似米。肉可食。

螺田螺

江撓

鶻鶻

花螺

竹螺

油螺

鹵螺

馬蹄

指甲

【田螺】似黃螺而差小。生水田中。

【溪螺】似田螺。差小而長。

【黃螺】殼硬色黃。味美。其黑而微刺者尤佳。

【紅螺】肉可爲醬。

【蓼螺】大如拇指。有刺。味辛如蓼。

【梭尾】殼細而長。文如雕鏤。味佳。

【馬蹄】形似故名。

【指甲】以形似名之。

【江撓】指甲之大者。

【鶻鶻螺】殼小而厚。黑色。土人端午用之。

【花螺】圓而扁。殼有斑點。味勝黃螺。

【竹螺】殼文斲而尾脆。味清香。

【油螺】形如花螺。殼柔。鹽之味美。產興化。補疏。

【莎螺】形如竹螺。味微苦。尾極脆。補疏

按螺其種不一而肉多同。惟殼異。此外若石螺螺螄種種不能悉錄。

龍虱

【龍虱】似螳螂而小。黑色。兩翅六足。秋月暴風起。從海上飛來。落水田或池塘。海濱人撈取。油鹽製藏珍之。

按龍虱類水蟲。但龍虱來自海外。水蟲出自水中。故以爲異。閩人言是龍身上虱。或然耳。外省人皆畏食。

鮓丞本峻將入閩。分陝使者曰。狀海錯來。吾徵閩越而通之。丞入閩。疏鱗介二百有奇。以復。且酬客。問分陝使者。今太常卿余君君房也。丙申歲。嵩溪三層閣上題。

附錄

按非地所產而有者。咸附錄之。徵異品也。後有見聞。冀當聯絡。屠本峻記。
海粉出廣南。亦名綠菜。

按海粉。閩志云。有物類墨魚者。吐涎而成。予往時聞閩人說。卽海參吐出絲也。色有青黃不同者。以海參食海中青藻。故吐絲青。食黃藻。故吐絲黃。閩中鄉先生陳大參文堂公云。向時在廣南。親見此物。如竹蛭而薄殼。以足裹鞋揣之。則吐絲。絲盡而此物空洞。只存殼矣。二說不同。要之目覩者爲真。其味甚清。可降痰火。

燕窩出廣南。

按燕窩。相傳冬月燕子銜小魚入海島洞中壘窩。明歲春初。燕棄窩去。人往取之。一說燕子冬月先銜鳥毛。綢繆洞中。次銜魚鱗。室泥封戶牖。伏氣于中。氣結而成。明春飛去。人以是得之。員如椰子。須刀去毛。劈片水洗淨。可用。閩部疏云。燕窩菜。竟不辨是何物。漳海邊已有之。蓋海燕所築。銜之飛渡海中。翮力倦。則擲置海面。浮之若杯。身坐其中。久之復銜以飛。多爲海風吹泊山澳。海人得之以貨。大奇。大奇。海語載海鷺大如鳩。春回巢于古巖危壁。蒼壘乃白海菜也。島夷伺其秋去。以修竿執取。而鬻之。謂海鷺窩。隨舶至廣。貴家宴品珍之。其價翔矣。據三說不同。海語所載爲通。待彼都近海人質之而後信也。

昔東坡以江珧柱爲蟹類。論者嘆博洽之難。閩故海區也。海物惟錯。前明屠田叔以齏丞宦是邦。類族辨物。作海錯疏三卷。附錄二種。若名若味。若品若用。詳哉其言之也。周官識小。爾雅博物。二者兼之矣。往嘗見海味索隱一編。田叔因張九巖所著贊頌銘解而訂其訛。如淡菜。黃蚶。蟹無雄。蟹郭索之類。俱爲改正。其卽是編之嚆矢歟。惜集隘不能徧登。以供同嗜。然麟脯龍醢。嘗鼎已足。而謂缺望於一樹。其然也耶。甲子秋日。琴川張海鵬識。



然 犀 志

李 調 元 著

本館據函海本排
印初編各叢書僅
有此本

序

水族之適用惟魚。而魚之類不一。江淮河漢之魚。尙可約指。而海中之魚之衆。則尤瑣屑而難名。余視學粵東。遍至其地。如廣、惠、潮、高、雷、廉、瓊。半皆濱海。以故供食饌者。惟魚爲先。而其中奇奇怪怪。令人瞠目而不下箸者。指不勝屈。以是博採方言。按諸山海地誌。一一精細備載。每得一物。卽誌其形狀。考其出處。卽非魚類。如介蟲之屬。亦附於魚之族。日久所得。裒然成編。以其皆鱗介之物。故以然犀名之。聊以遮掛一漏萬之譏。非如溫嶠之必欲照見幽潛也。余曾有南越筆記。靡不收入。而又別爲此編者。以粵中之魚較多他處也。云爾。己亥冬十月。羅江李調元雨村撰。

然犀志目錄

卷上

三脚蟾

虎沙

花蠟

花螺

海鏡

紅羸

蒲魚

烏賊

龍蝦

比目魚

魚虎

銅鑼槌

蝦蛄

石蠟

指甲蝗

璞珞

鯀魚

章舉

蟹

海鰻鱧

沙魚

海豚

黃頰魚

鯢魚

鯪魚

鯪魚

鮓魚

牛魚

鱗魚

鱈魚

西施舌

江瑤柱

海馬

海蛇

海鵝魚

鱈魚

六辟龜

紅龜白龜

封龜

納鼈

卷下

朱鼈

瑇瑁

鸚鵡螺

流螺

海膽

車螯

九孔螺

牡蠣

蚶

蚌

水荳芽

紅蟹

膏蟹

石蟹

海狗

海鱈

翻車魚

鱉魚

馬膏魚

石首魚

竹魚

鮓魚

鰕魚

石蛙

蝗

蛤

翠蟹

毛蟹

弔

海獺

鮪

倒挂魚

黃鱈魚

烏魚

勒魚

魴魚

鰱魚

鱧魚

柔魚

赤鬚魚

角魚

鱈白魚

鯛魚

杏魚

民魚

銀口魚

飛魚

鯛魚

帶魚

鱸魚

附廣魚舌魚

松魚

鮭魚

然犀志卷上

綿州李調元鶴洲著

三脚蟾

三脚蟾魚類。形如蝌斗而扁。合左右兩翅視之。儼如三足蟾蜍。故名。口大有齒。細如針。密如毳。下齶長于上唇。唇之內別生竅。空如重唇也。眼生背上。左右有二刺而分歧。腹下有二短足。各五爪。背黃黑色。腹白色而無鱗。

銅鑼槌

銅鑼槌魚類。首體橢圓而尾脩。形如擊鑼槌子。故名。口有齒而不齶。長兩眼平視而近唇。背具六刺。左右勻排。齶下有小划二。鰓後有大划二。背色黑。有斑點如鱧而無鱗。

虎沙

虎沙沙魚之一種。其形條長。四划類蜥蜴。其頭絕類虎頭。身無鱗而有黑紋。又類寸白蚶。尾有一鬣。

蝦蛄

蝦蛄形類蝦。無鬚而尾扁闊。類乎螳螂。

花蠟

花蟹八跪二螯與諸蟹同但跪小而螯大幾與筐等筐與蟹有斑文如湘竹如貝錦其斂螯足之時又如龜之藏六無罅隙可窺

石蠃

石蠃匡臍螯足遍體磊砢不啻黃石之縞瘦也故名然匡紋凹凸儼如怒猊大鼻睥目雖績刻亦遜其巧

花螺

花螺橢形如巨貝而尾不尖長黃質黑章肉亦具黑花條條如彪虎之皮

指甲蟹

指甲蟹大可二寸圓長如指甲殼白薄亦如人爪甲有肉鬚二吐殼外觸之則攝縮入內

海鏡

海鏡蛤類也形如荷包其粘連處類口其開張處類囊其內條條亦如褶焉面色一白一紅潮人呼爲日月殼中有紅色小蟹時出覓食蟹飽則海鏡不餓按介屬中腹藏小蟹者尙有二一爲瓊瑤一爲紅羸唯此肉白如雪兩殼相合甚圓故又名石鏡其中小蟹謂之蚌奴又謂之蟹奴任昉所謂筋是也

瓊瑤

瓊瑤狀如珠璣殼青黑色小者長寸大者長二三寸唯生白沙中不汗泥淖互物中之最潔者也有兩肉柱能長短又有數白蠃子在腹中狀如榆莢常爲之出口實郭璞所謂瓊瑤腹蟹葛洪所謂小蟹不歸

而瑁敗是也。一名共命羸。又名月蜎。每冬大雪則肥。瑩滑如玉。日映如雲母。味甘。蓋海錯之至珍者。諺曰。霜蠓雪羸。味不在多。凡羸皆以雪肥。蠓則以霜。

紅羸

紅羸腹中亦有小蠓。漁人以釣取之。

鯀魚

鯀魚一名海燕。大者盈車。頭如蝙蝠。身勢如翔燕。尾有鬣。其岐亦類燕。剪當岐之間。復有脩圓之尾。形等委蛇。其脇各具扁孔五。層疊相間。大概與蒲魚相類。亦無鱗甲。按齊書五行志載。永明九年。鹽官縣石浦有海魚乘潮來。水退不得去。長三十餘丈。黑色無鱗。有聲如牛。土人呼爲海燕。取食之。其卽是鯀。瓊府舊志有燕魚。脊皮有沙。肉白味美。新志云。有赤白黃三種。兩翅似燕。能飛翔海上。故以燕名。俗呼爲老鴉魚。新舊二志皆不詳盡。疑卽此鯀魚也。

蒲魚

蒲魚大者盈丈。圓扁如蒲葵葉。其尾修圓若蚰。長倍於身。有刺能螫人。尖鼻前挺。形類鍬犁。目生於背。日旁有二孔。疑是其耳。口開於腹。口之左右各有五孔。扁若刀刺。背色黃黑。腹青白。無鱗。又名鱒。瓊州府志云。海鵠一名荷魚。卽蒲魚也。口在腹下。目在額上。味美而尾極毒。昌黎詩。蒲魚尾如蛇。口眼不相營。俗亦呼爲燕魚。按海鵠之名。又與文鵠同名。

章舉

章舉體形橢圓如豬膽。端分六足。如抽花鬚。而其長倍於身。每足陰面起小圈子。密比蜂窠。錯如蓮房。八足聚處有細眼如針孔。其後尻也。其口邇尻。幸有足爲之間。上下耳。無皮無骨。肉頗含脂。黑比蠟膏。膩同蚌髓。非鱗非介。又名章魚。潮人訛稱章魚曰膠水。

烏賊

烏賊非鱗非介。形如算子袋。有六足。聚生口旁。其二鬚甚長。亦如帶。酉陽雜俎曰。昔秦皇東遊。棄算袋於海。化爲此魚。遇風能以鬚粘岸。如舟之下碇焉。故又名纜魚。身祇一骨。骨狀若梭子。層疊可剝。如剖攪仁。腹中有墨。遇大魚來。賊則吐墨混流。以自蔽。一名烏魴。南越志云。烏魴懷墨而知禮。崔豹古今注。又名河伯度事小吏。而南越行記。又言烏賊魚常仰浮水面。烏見而啄之。反爲此魚所捲食。故謂之烏賊云。

蠟

蠟介蟲也。大者尺餘。形如覆箕。殼分前後及尾爲三截。其色青綠而光瑩。骨眼着背。口藏于腹。首似蜚螂。足如蠛而多其四。其尾三稜。雄小雌大。雌失雄則死。故常負雄於背而行。遇風則背骨張開。若帆之趁風。謂之蠟帆。說者曰。蠟者。候也。命名曰蠟。職此之由。生子最多。而成蠟者僅二。餘則爲蠛。爲蟬。爲蝦。爲麻。爲蝦。及諸魚族。凡物之血皆赤。而蠟之血獨碧色。亦其異也。漁得蠟必雙。如單者不可食。尾有刺者不可食。又一種小者。謂之兒蠟。亦不可食。昌黎南食詩云。蠟形如惠文。骨眼相負行。惠文冠後世。已失其製。而蠟則千古。

不變。猶可因鱗之形狀以想見古之冠製也。

龍鰕

鰕之頭其長與尾相等而巨于尾。周圍皆刺。兩目上出。頭生兩角。彎環前向。前有巨鬚二。長而多刺。又有細鬚二。長而分岐。嘴在其下。近嘴有小足。長短六枚。其腹與蟹臍無異。左右排生十足。亦類于蟹。尾之下每節有划水。水行進退。是其所賴。節左右亦各有口。尾末四出。金縷絲絲。筋絡分明。絕類芙蓉之瓣。生者青黑色。煮則赤如塗朱。傑鬚睥目。不啻錢唐君之怒欲飛去。故又謂之紅鰕。北戶錄云。大者長二尺餘。頭可作杯。鬚可作簪。作杖。嶺表錄云。最大者長七八尺至一丈也。水經注所謂四尺之鬚。不足論矣。嶺海辨記云。潮州海中龍鰕。長五六尺。形狀與龍無二。洗滌其殼。可以爲燈。

海鰻鱺

海鰻鱺一名慈鰻鱺。一名狗魚。又名狗頭鰻。海語云。大者長丈餘。鎗嘴鋸齒。遇人能鬪。往往隨潮陟山。知之。布灰於路。體粘灰則澀不能行。乃擊殺之。

比目魚

比目魚狀如婦女鞋底。細鱗。背紫色。腹白無鱗。口近於腹。兩眼並相。一明一暗。亦微分大小。爾雅曰。東方有比目魚。不比不行。其名曰鰈者是也。北戶錄謂之鱸。吳都賦謂之魴。上林賦謂之魴。鰈猶麋也。鰈猶兼也。魴者相介也。魴者相胙也。南方異物志謂之箬葉魚。言其形如裏糲之竹葉然也。臨海志名婢篋魚。臨

海風土記名奴鱈魚。其有名鞋底魚者。俗稱也。

沙魚

沙魚。古名鮫魚。一名珠鮫。郭璞鮫贊云。珠皮毒尾。匪鱗匪毛。可以錯角。兼飾劍刀。又名鰭魚。沈懷遠南越志云。環魚。鰭魚也。長丈許。復有兩洞。腸貯水。養子。一腸容二子。子朝從口出。暮還入腸。鱗皮有珠。可飾刀劍。治骨角。一名琵琶魚。形似琵琶。善鳴。此沙之大者也。李奉常曰。種類不一。形並似魚。青目赤頰。背有鬚。腹有翅。大者尾長數尺。皮背有沙。如真珠斑。其背有珠文如鹿。而堅強者曰鹿沙。亦曰白沙。云能變鹿也。背有斑文如虎。而堅強者曰虎沙。亦曰胡沙。云虎沙魚所化也。鼻前有骨如斧斤。能擊物。壞舟者曰鋸沙。又曰挺額魚。亦曰鐮鰭。謂鼻骨如鐮斧也。鰭音蕃。東南近海諸郡皆有之。蘇恭謂鮫形似鱉。無脚有尾者。失其狀矣。陳藏器謂鮫與石決明同名者。以鮫又名腹魚也。

魚虎

魚虎。生南海。頭如虎。背皮如猬。有刺。着人如蛇咬。有變爲虎者。按倦遊錄云。海中泡魚。大如斗。身有刺如猬。能化爲豪豬。卽此魚虎也。述異記云。老則變爲鮫魚。臨海記又謂之土奴魚。

海豚

海豚。候風潮出沒。形如豚。鼻在腦上。作聲噴水直上。百數爲羣。其子如鼈魚子。數萬隨母而行。人取子繫水中。其母自來。就而取之。生江中者。謂之江豚。狀與海豚同。而小。出沒水上。舟人候之以占風。其中有油。

脂可點燈。照擣菹卽明。照讀書工作卽昏。俗言懶婦所化也。李奉常曰。海豚狀大如數百斤豬。形色青黑。如鮎魚。有兩乳。有雌雄類人。數枚同行。一浮一沒。謂之拜風。其骨硬。其肉肥。不中食。其膏最多。和石灰臚船良。魏武食制謂之鱠鮓。南方異物志謂之水豬。又名鱣魚。謂其多涎也。郭璞賦。海豨江豚是也。

黃類魚

古名黃鱔魚。詩注名黃頰魚。今人名黃缺。黃軋。陸璣誤爲黃揚。按類頰以形言。鱣以味言。缺軋以聲音也。背青腹黃。無鱗。腮下有二鬚。魚之有力能飛躍者。陸佃云。其膽春夏近上。秋冬近下。亦一異云。

鯢魚

鯢魚卽山海經之人魚也。聲如小兒啼。故名鯢魚。能緣樹。謂之鮎魚。以足行。又謂之鰕。蜀稱曰納。秦稱曰鰕。四足長尾。遇旱則含水上山。以草覆身。張口伺鳥。因吸食之。

鯀魚

鯀魚一名人魚。又名孩兒魚。陶宏景曰。荊州臨淮青溪多有之。似鰕而有四足。聲如小兒。其膏然之不消。耗。秦始皇驪山塚中所用人魚膏是也。宗奭曰。鯀魚形微似獬。四足。腹重墜如囊。微紫色。無鱗。與鮎鮓相類。按孩兒魚有兩種。生江湖中者。形色皆如鮎鮓。腹下翅形似足。頰軋軋。音如兒啼。卽鯀魚也。一種生溪澗中。形色皆同。但能上樹。乃鯢魚也。徐鉉稽神錄云。謝仲玉見有婦人出沒水中。腰已下爲魚。乃人魚也。組異記云。查道奉使高麗。見海沙中一婦人。肘後有紅鬚。問之曰。人魚也。此二者乃名同物異。實非鯀

鯢。

鯢魚

鯢魚古曰鯢。今曰鮎。北人曰鯢。南人曰鮎。體涎無鱗。故名鮎。言黏滑也。鮎魚上竹竿。卽謂此魚。大頭偃額。故又名鯢。爾雅翼云。兩目上。陳口方尾小。有齒有鬚。生流水者色青白。生止水者色青黃。大者至三四十斤。

鮠魚

鮠魚生江淮間。無鱗。亦鱣屬也。頭尾身鬣俱以鱣。唯鼻短耳口亦在頷下。骨不柔脆。腹似鮎魚。背有肉鬣。郭璞所謂鱣魚似鮎而大白色者是矣。有鱣鮠鰈等名。南人呼鮠。北人呼鱣。並與鮠音相近。邇來通稱曰鮠魚。而鱣鮠之名不彰矣。鰈又鱣音之轉。秦人謂其發癩。故呼爲鱣魚。

牛魚

牛魚生東海。其頭似牛。一統志云。牛魚出女直混同江。大者長丈餘。重三百斤。無鱗骨。其肉脂相間。食之味長。又異物志云。南海有牛魚。一名引魚。重三四百斤。狀如鱧。無鱗。骨背有斑文。腹下青色。知海潮。肉味頗長。按此二說。則牛魚鱣屬也。鱣與引又聲相近。

鱣魚

鱣魚出江淮黃河遼海深水處。岫居長二丈餘。至春始出而浮陽。見日則目眩。其狀如鱣而背無甲。色青。

碧腹下白色。其鼻長與身等。口在頷下。食而不飲。頰下有青斑。文如梅花。尾岐如丙字。肉色純白。味亞于鱸。羅願云。狀如鸞鼎。上大小。大頭哆口。似鐵兜鍪。能化龍。大者名王鮪。小者名叔鮪。更小者名鮪子。李奇漢書註。周洛曰鮪。蜀曰鮪。毛詩義疏。遼東登來人名尉魚。言樂浪尉仲明溺海。死化爲此魚。飲饕正要云。今遼人名乞里麻魚。古又有鱣魚。鮪魚。碧魚等稱。

鱣魚

鱣魚無鱗巨魚也。狀似鱗。灰白色。背有骨甲三行。鼻長有鬚。口近頷下。其尾岐出。以三月逆水而上。其居也在磯石湍流之間。其食也張口接物。聽其自入。其行也潛伏不浮。漁人以小鈎沉而取之。一鈎着身動而護痛。諸鈎皆著。船遊數日待其憊而掣之。小者百斤。大則長二三丈。重一二千斤。白肉黃脂。層層相間。故有黃魚蠟魚玉版魚等名。異物志又名含光魚。言其脂肉夜有光也。

西施舌

西施舌殼類珠蚌而薄。張口時膚肉潔白。圓長而匾。絕類乎舌。一端又有二肉柱外伸。形與螳等。色亦如玉。烹之甘脆。脆嚙。妃子唇者以爲何如。廉雷人呼爲沙螺。

江瑤柱

江瑤柱萬震贊曰。江瑤柱厥甲美如瑤玉。肉膚寸。厥名江瑤柱。安南異物名記曰。江瑤肉腥不中口。僅四肉牙佳耳。長可寸許。圓半之。白如珂雪。一沸卽起。甘鮮脆美。不可名狀。此所謂柱也。東坡嘗以江瑤柱與

鮮荔枝爲南中尤物。詩云：似聞江瑤斫玉柱。又云：海螯江柱初脫泉。其爲嘆賞如此。老學庵筆記曰：明州江瑤柱有二種。大者江瑤。小者沙瑤。沙瑤可種。逾年亦成江瑤矣。一名馬頰。一名馬甲。謂其殼一端圓大。一端尖小。如馬嘴也。一名海月。言似半月形耳。

海馬

海馬一名水馬。其首如馬。其身如蝦。其背偃僂。有竹節紋。長二三寸。雌者黃色。雄者青色。徐表南方異物志云：海馬有魚狀如馬頭。其喙垂下。或黃或黑。海人捕得。不以啖食。暴乾之。以備產患。凡婦人難產。割裂而生者。手持此蟲。卽如羊之易生也。

海蛇

海蛇。劉恂云：閩人曰蛇。廣人曰水母。異苑曰：石鏡狀如血蛭。大者如床。小者如斗。無眼目。腹胃以蝦爲目。蝦動蛇沈。故曰水母目蝦。亦猶蛭之與距驢也。

海鷓魚

海鷓魚生東海。形似鷓。有肉翅。能飛上石頭。齒如石板。尾有大毒。逢物以尾撥而食之。其尾刺人。甚者至死。李奉常云：海中頗多。江湖亦時有之。狀如盤及荷葉。大者圍七八尺。無足無鱗。背青腹白。口在腹下。目在額上。尾長有節。螫人甚毒。皮色肉味俱同鮎魚。肉內皆骨。節節聯比。脆軟可食。吳人腊之。魏武食制云：蕃躑魚大者如箕。尾長數尺。是矣。又嶺表錄異云：鷓子魚。嘴形如鷓。肉翅無鱗。色類鮎魚。尾尖而長。有風

濤卽乘風飛於海上。此亦海鵝魚之類也。又陳藏器云。有鼠尾血地青魚。並生南海。皆有肉翅。刺在尾中。此亦海鵝魚之類也。

鱮魚

鱮魚錄異記。鱮魚狀如鱧。能爲魃鬼。幻惑妖怪。亦能魅人。

六眸龜

六眸龜。宋史。太宗時。萬安縣獻六眸龜。萬安縣卽今萬州也。

紅龜白龜

瓊郡志云。文昌縣北石井中有紅白二龜。遇旱禱焉。紅出則雨。白則

封龜

封龜。瓊海中有封龜。大者如島。洋舶畏之。小者亦重二三百斤。漁人得之。味甚佳。可治疥癬。

納鼈

納鼈。鼈之無裙而頭足不縮者。名納鼈。不可以食。食則令人昏塞。煎黃芪吳藍湯服之。立解。

然犀志卷下

朱鼈

朱鼈生海南。大如錢。腹赤如血。淮南子所謂朱鼈浮波。必有大雨者也。

瑇瑁

瑇瑁狀如龜。而殼稍長。背有甲十四片。黑白斑文相錯而成。

鸚鵡螺

鸚鵡螺出清瀾海中。南州異物志云。狀如覆杯。頭如鳥頭。向其腹視之。似鸚鵡。故名。土人取以爲酒器。名鸚鵡杯。

流螺

流螺通名海螺。大如拳。其麝謂之甲香。格物論云。合衆香燒之。能發香。獨燒則臭。然則流螺猶蠟石也。可以攻玉。使玉光瑩。而自不免於籠罔。

海膽

海膽介蟲也。形圓如膽。周身有刺如蝟毛。琢磨其殼。可以爲杯。其肉可爲鮓。爲醬。

車螯

車螯潔白如玉。俗呼車白。殼厚微黃。梁元帝以爲味高。食部者此也。其大者名蜃。能吐氣成樓臺。春夏間依約海澗常有此氣。

九孔螺

九孔螺本草謂之石決明。形如蚌蛤之半片。其凸處作螺旋形。沿唇有孔一行。多者十餘孔也。又名鮫魚。新莽喜食鮫魚者即此。

牡蠣

牡蠣附石而生。不能行游。礧礧連屬如房。故一名蠣房。又名蠔山。初生海畔如拳石。四面有大至一二丈者。每房之內各生蠔肉一塊。潮來諸房俱開。有小虫入則閉房以充腹。肉味甚美。殼可砌牆。亦可燒灰塗壁。覆其殼左顧者謂之牡蠣。

蚌

蚌有數種。絲蚌紋細如絲。即魁陸。阿婆蚌似絲蚌稍長而不正。海蚌甚大。有片甲大如屋者。以治器卽爲車渠。多產崖州。按蚌殼似瓦壘文。故又名瓦壘子。其肉美。名天櫛。

石蚌

石蚌形如龜脚。得春雨則花生。郭璞江賦。石蚌應節而揚葩。

蜆

蜆殼青黃。生溪湖中。其類甚多。大小厚薄不一。瓊郡舊志云。盛夏取生蜆。以酒鹽蘇麻拌饜之。暴乾。名曰晒蜆。

螻

螻似馬刀而殼薄。長二三寸。大如拇指。又有竹節螻。以夏月出。

水荳芽

冰荳芽。螻類也。鮮時殼中有一肉柱如牙箸。醃之則無。

蛤

蛤說文云。蛤有三。皆生於水。蛤蜊。千歲鳥所化也。海蛤。百歲燕所化也。魁蛤。一名復老。服翼所化。淮南子云。方諸見月則津而爲水。高誘注。方諸。大蛤也。按呂氏春秋。月望則蚌蛤實。羣陰盈。月晦則蚌蛤虛。羣陰缺。

紅蟹

紅蟹。出儋州。殼上有十二點紅。深如臙脂。北戶錄云。其殼與虎蟹堪作疊子。

翠蟹

翠蟹。色如翡翠。出臺灣。南澳亦有之。

膏蟹

膏蟹出萬州者大而味佳。

毛蟹

毛蟹產瓊山淡水中。味極鮮美。

石蟹

石蟹生崖州之榆林港。本活蟹也。窟穴甚深。掘得即於水中洗滌淨。去泥出水。見風便化而成石。取巨筐。蟹足全者作怪石供。甚奇。醫書云。石蟹性寒。能消腫毒。治目疾。

弔

弔介屬也。產瓊海港中。蛇首鼉身。其膏輕利。貯以銅瓦等器。皆滲。惟卵殼盛之則不漏。治腫毒功同熊膽。

海狗

海狗形如狗。大如貓。純黃色。常羣遊背風沙中。遙見船行。則沒入海中。其腎謂之臘。膈。漁人以技獲之。

海獺

海獺似獺而大。生海中。脚下有皮如胼。其毛着水不濡。其肉亦可食。海中又有海牛、海馬、海驢等。剝其皮皆應風潮。潮來毛皆豎起。海獺亦然。

海鱸

海鱸海魚之最偉者。故謂之鱸。猶曾長也。有大不可限量。長數百十里。望之如連山者。其小者亦千餘尺。

背常負子以遊。鯀人以長繩繫鐵鎗，乘小船，叢標其子，伺其困斃，曳至岸，取油，可值數萬錢。其脊骨可作春臼，俗名海龍翁。

鱸

鱸有江海湖池之異。海鱸生海中，極大。江鱸生江中，長七八寸。泥鱸生湖池中，最小，長三四寸，狀似螭而小。銳首，肉身青黑色，無鱗，以涎自染，滑疾難握。與他魚牝牡，故莊子曰：鱸與魚遊也。生沙中者，微有文采。

翻車魚

翻車魚，海槎餘錄云：秋晚巡行昌化邑，俄見海洋煙水騰沸，競前觀之。有二大魚遊戲水面，各頭下尾上，決起烟波中，約長數丈，離而復合，數四，每一跳躍，聲震里許。土人曰：此翻車魚也。問歲一至，兩魚跳躍，交感，生育之意耳。

倒挂魚

倒挂魚，鮮食醉人，宜作鮓，出萬州。

鰓魚

鰓魚，其脊若鋒刃，銳喙長嘴，大腹，鼻在額上，能作聲，少肉多膏，大者長一二丈。

黃鱔魚

黃鱔魚，儋州志云：一名大頭，土人呼作赤魚，狀如鮎之大者，子如龍眼。春末夏初，海上疊陣而來，舉網或

不能勝。

馬膏魚

馬膏魚即馬鮫魚也。皮上亦微有珠。然與珠鮫不同。其味甚美。出昌化。

烏魚

烏魚似馬鮫而短小。無黑花點。

石首魚

石首魚野鴨所化。頭中有白石二枚。瑩潔如玉。故名。石首又名黃花魚。醃而乾之。名鯨魚。陸廣微吳地記曰。闔閩思海魚而難於生致。治生魚鹽漬而日乾之。故名爲鯨。

勒魚

勒魚一名青鱗。狀如鱗魚。小首細鱗。澄邁志云。小兒痘疹。煮以食之。

竹魚

竹魚色青翠如篠葉。故名。鱗下有朱砂點。味甚甘。

魴魚

魴魚一名鱗魚。又名鱧魚。即鯮魚也。其狀長而薄。形如尖刀。故名魴魚。郭註山海經曰。鯮狹薄而長頭。其大者長尺餘。常於春三秋八月乃出。

鰩魚

鰩魚。即鱸魚。一名鏡魚。有烏白二種。小者名鰩。身正圓。無硬骨。炙味美。以其與衆魚交。故從昌。

鰩魚

鰩魚。即魴魚。小頭縮項。穹脊闊腹。扁身細鱗。其色青白。

鰩魚

鰩魚。扁形闊腹。大口細鱗。有黑斑采斑。色明者爲雄。晦者爲雌。

鰩魚

鰩魚。圓長有斑點。夜則首仰朝北。諸魚之膽味皆苦。獨鰩魚膽味甜。

柔魚

柔魚。類墨魚而長。無螵蛸骨。故名柔魚。

飛魚

飛魚。一名文鰩。生海南。大者長尺許。有翅與尾齊。羣飛海上。便有大風。吳都賦云。文鰩夜飛而觸網。

赤鬚魚

赤鬚魚。瓊府志云。鱗鬚皆淺紅色。俗謂之紅魚。可作脯。出儋州昌化者佳。

鯛魚

鯛魚。即鮓魚。閩中海錯疏云。鮓。鱧之別種。圓厚短蹙。味豐。楚詞。鯛鱧短狐。是也。

角魚

角魚。其頭三稜。有赤角白角二種。白角魚有翅能飛。

帶魚

帶魚。長二三尺。身扁狹如帶。尖嘴細尾。色白如銀。肉細滋膩。

鱮白魚

鱮白魚。瓊府志云。相傳鱮魚是鱮白魚所變。在海爲鱮白。在江爲鱮魚。鱮白於春。鱮魚於夏。其味皆美。

鱮魚

鱮魚。狀似鯉而色黑。其頭最大。一名鱮。山海經云。鱮魚似鯉大首。食之已疣。是也。瓊府志云。郡人呼爲胖頭魚。多出定安。

鯛魚

鯛魚。北戶錄云。鯛魚即鱮魚。瓊州府志云。廣之恩州出鵝毛脰。細如毛。用鹽藏之。郭義恭言。武陽小魚大如針。一斤千頭。是也。

附 廣魚舌魚

二魚產高麗。形同箸葉。比目魚之類。

吞魚

生東北海。俗名大口魚。性平。味鹽。食之補氣。腸與脂味尤佳。按字書有吳字。注云。魚之大口者。朝鮮人作吞。文異而義同。

松魚

味極珍異。肉肥色赤。鮮明若松節。故名松魚。東北江海中所產。

民魚

高麗人以民魚爲鮑魚。按鮑魚味美無毒。膠可作膠。一名江鱧。

鮭魚

味甘美。卵如真珠。色微紅。其味尤美。產北江海中。

銀口魚

朝鮮國產銀口魚。性平無毒。寬中健胃。合生薑作羹最良。即中國之銀條魚也。

